



Allahov Poslanik, sallallahu alejhi ve selleme, naredio nam je sedmero, a zabranio sedmero

Prenosi se od Beraa ibn Aziba, radijallahu anhu, da je rekao: "Allahov Poslanik, sallallahu alejhi ve selleme, naredio nam je sedmero, a zabranio sedmero. Naredio je: obilazak bolesnika, ispraćaj dženaze, nazdravljanje onome koji kihne, ispunjavanje zakletve ili udovoljavanje onome ko nas zakune da mu nešto uradimo, pomaganje obespravljenog, odazivanje onome ko nas pozove i širenje selama. A zabranio nam je: nošenje zlatnog prstena, pijenje iz srebrenog posuđa, svilene podmetače ispod sedla, kasijsku svilu, nošenje svile, kadifu i brokat."

[Vjerodostojan] [Muttefekun alejh]

Poslanik, sallallahu alejhi ve sellem, naredio je muslimanima sedam stvari i zabranio drugih sedam. Ono što im je naredio jeste: Prvo: posjetiti bolesnika; Drugo: ispratiti dženazu, klanjati namaz, učestvovati u ukopu te upućivati dovu za umrlog. Treće: nazvati selam onome ko kihne i zahvali se Allahu, govoreći mu: Jerhamukellah (Allah ti se smilovao). Četvrto: ispuniti zakletvu i potvrditi istinitost onome ko se zakune, što znači da, ako se neko zakune na nešto i imaš mogućnost da mu pomogneš, to učiniš kako ne bi bio primoran na iskupljenje zakletve. Peto: pomagati u suzbijanju nepravde, podržavajući obespravljene i štiteći ih od nasilja, u skladu sa svojim mogućnostima. Šesto: odazvati se pozivu na gozbu, poput svadbenih gozbi, akike ili drugih sličnih povoda. Sedmo: širiti pozdrav (selam) i uzvraćati na njega. S druge strane, Poslanik nam je zabranio: Prvo: nošenje zlatnih prstenova i ukrašavanje njima. Drugo: pijenje iz srebrnih posuda; Treće: sjedenje na jastucima od svile, postavljenim na sedlo konja ili kamile. Četvrto: nošenje odjeće od materijala pomiješanog sa svilom, tzv. kasijske svile. Peto: nošenje svile. Šesto: nošenje kadife (deblja svila). Sedmo: nošenje brokata (najfinija i najvrednija vrsta svile).

<https://sunnah.global/hadeeth/bs/show/2944>

